

# Ах хөöchин авсн даалгэвр

Элст балгэсна Ленинэ нертэ колхозд ах хөöch болдж үр Безруков Василий Данилович гидг ачта хөöch көдлджәнэ. Үр Безруков багъ настагэсн авн хөөнэ ард йовдж, олна мал-агърусиг улм цааранднь өсгдж йовх сән дамшлтта, эврәннь көдлмшәрн колхозникуд дунд ачта хөöch болдж йовх кун.

Ах хөöch үр Безруков 567 нәәднр хө асрдж йовна. Тер хөөдән үвләр хургълулхин төлә, 1957 джилин август-сентябрь сармудт искусственн көг тәвсмн. Нәәднр хөөдт көг тәвгдснэ хөөн, тедниг сән идгтэ газрар хәрүлдж, цаглань услдж, чинәгъинь ясрулв. Тигәд, арднь өрад асрдж йовсна ашнь ил. Ода хөөдм цугъар таргън-патхлнъ, теднас сән төл авхм лавта гидж үр Безруков итк-джәнэ.

Безруковин хөд февраль сарин 15-с авн эклдж хургълх зөвтэ. Шин төрсн хургьдта хөд орулх дулан катг ясгдад белн кечксн бәәнэ.

Ах хөöch Безруков ниднин джил эрт-хаврар хургълсн зун хөн болгэнас 117 хургъ авч, экәснь йилгьдж автл асрдж, эрүл-менд талдан хөöchд өгв. 1957 джил цуг хөөдәсн 3611 килограмм торгън болн цевр сән ноос киргьдж авад госу-дарствд орулдж өгв.

Ода Безруковин отарнь Хар газрт үвлзджәнэ. Тенд үвлз-джәх хөөдннь цугъар эрүл-до-рул, гару уга сәәнәр үвлз-джәнэ. Хөд хургълх цагт өгх өвсн болн концентрат элвг күрмәр зөбгәäd хурачксн бәәнэ.

СССР-н Деел Советд сунь-гъврт нерәдсн социалистическ дөрлдә кедж, хөөдиннь төл менд бәрдж, гарсн хургьдан сәәнәр асрдж, суньгъврин өд-рт күцлмүдтә ирнәв гидж үр Безруков үгән өгв.

А. МАТВЕЕВ